

cam subvertit Henricus Tertius, novamque Ecclesiam speciosa structura, multiplici marmorearum columnarum ordine, tecto laminis plumbeis convestito, quinquaginta annorum opere exedificavit, quam Abbates ad Occasum plurimum auxerunt, Henricusque Septimus in suam & suorum sepulturam, ad ortum, sacrarium admirandæ elegantia (orbis miraculum vocat Lelandus, omnem enim elegantiam in illo acervatam dicas) adjecit, in quo sepulchrum ejus splendidissimum & maximum ex ære solido cernitur. Expulsis postea monachis, ad varias subinde vices revoluta fuit, primum Decanum habuit & Præbendarios, mox Episcopum unicum Thomam *Thuribey*, qui ecclesiæ patrimonio dilapidato cessit, & Decano reliquit. Statim monachi cum suo Abbate à Maria Regina reducti, quibus paulo post autoritate Parlamentaria ejectis, in Collegiatam Ecclesiam, imo Ecclesiæ plantarium convertit Serenissima Elizabetha, Præbendarios instituit duodecim, tot emeritos milites, scholasticos quadraginta (alumni Regii dicuntur) qui suo tempore ad Academias promoventur, & inde in Ecclesiam, & Rempubicam transferuntur, &c. Quibus omnibus Decanum præfecit, quam dignitatem nuper summa cum laude gessit D. G. *Goodman* vir optimus, & integerrimus, de me, & meis studiis optime meritis.

Principes
sepulti in
Ecclesia
Westmo-
nasterii-
ensi.

Elizabetha
Regina.

Contumulantur in hoc templo (ut illos etiam pro dignitatis & temporis quo obierunt ratione adnotem) Sebertus Primus Rex Orientalium Saxonum, Haroldus Nothus filius Canuti Dani, Rex Angliæ, S. Edwardus Rex & Confessor, ejusque uxor Editha, Matildis uxor Henrici Primi, filia Malcolmi Regis Scotorum, Henricus Tertius, Edwardus Primus ejus filius. Æleonora filia Ferdinandi Tertii Regis Castellæ & Legionis, illius uxor. Rex Edwardus Tertius, & Philippa Hannonia ejus conjux, Richardus Secundus & Anna consors soror Wenzelai Imperatoris, Henricus Quintus cum conjuge Catharina filia Caroli Sexti Regis Galliæ, Anna uxor Regis Richardi Tertii, filia Richardi *Nevill* Comitis Warwici: Henricus Septimus cum uxore Elizabetha, & matre Margareta Richmondia Comitissa, Rex Edwardus Sextus, Anna Clivenfis uxor quarta Henrici Octavi, Maria Regina: Et quæ non sine laude & lachrymis loquenda, Angliæ Amor, Divæ memoriæ Serenissima nuper Domina nostra ELIZABETHA, heroicis virtutibus, prudentia & animi magnitudine supra sexum, rerumque & linguarum scientia Princeps incomparabilis magnifico monumento, quod Rex Iacobus pie posuit, deposita. Sed Heroinæ tantæ quantum illud est monumentum? quæ ipsa sibi monumentum quam magnificentissimum, amplissimum. Quanta enim illa, RELIGIO REFORMATA, PAX FVNDATA, MONETA AD SVVM VALOREM REDVCTA, CLASSIS INSTRVCTISSIMA APPARATA, GLORIA NAVALIS RESTITVTA, REBELLIO EXTINGVTA, ANGLIA TOTOS XLIV ANNOS PRVDENTISSIME ADMINISTRATA, DITATA, ET MVNITA, SCOTIA A GALLIS LIBERATA, GALLIA SVBLEVATA, BELGICA SVSTENTATA, HISPANIA COERCITA, HIBERNIA.

BERNIA PACATA, ORBISQVE TERRARVM SEMEL, ATQVE ITERVM CIRCVMNAVIGATVS seræ posteritati cum laude & admiratione contestentur.

Ex ducibus & Comitibus Edmundus Comes Lancastriæ filius minor Regis Henrici III *Avelina de Fortibus* Comitissa *Albemartie* ejus conjux, Guilielmus & Audomarus de *Valentia* è familia *Lusigniana* Comites Penbrochiæ, Alphonfus, Ioannes, & alii Edwardi Primi liberi, Ioannes de *Eleham* Comes Cornubiæ filius Edwardi Secundi, Thomas de *Woodstock* Dux Glocestriæ, filius natus minimus Edwardi Tertii cum aliis ejus liberis, Æleonora filia & hæres Humfredi *Bobun* Comitissæ Herefordiæ & Essexiæ, uxor Th. de *Woodstocke*, Filiolæ Edwardi Quarti, & Henrici Septimi, Henricus filiulus bimestris Henrici Octavi, Sophia Regis Iacobi filiola primo ætatis diluculo extincta, Philippa Ducissa Eboracensis, Lodovicus Vicecomes *Robert* Hannonius, jure uxorio Dominus *Bourchier*, Anna filiola & hæres Ioannis *Moubray* Ducis Norfolciæ desponsata Richardo Duci Eboracensi filio minori Regis Edwardi Quarti, *Egidius Daubeney* Camerarius Henrici Septimi, & consors ex familia *Arundellorum* in Cornubia, Vicecomes Wellensis, Francisca *Brandon* Ducissa Suffolciæ, Maria ejus filia, Margareta *Douglas* Comitissa Lennoxia avia Iacobi Regis Britannia, cum Carolo filio, *Winefrida Bruges* Marchionissa Wintonia, Anna *Stanhop* Ducissa Somerssetensis & Iana filia, Anna Cecilia Comitissa Oxoniæ filia Baronis *Burghley* Summi Angliæ Thesaurarii cum matre *Mildreda Burgley*, Elizabetha *Berkley* Comitissa Ormondia, Francisca *Sidneia* Comitissa Suffexiæ, Th. *Butler* Vicecomes *Thurles* filius & hæres Comitissæ Ormondia. Præterea Humfredus *Bourchier* Dominus *Cromwell*, Humfredus *Bourchier* alter filius & hæres Domini *Berners*, qui ambo in prælio ad *Bernet* ceciderunt, Nicolaus Baro *Carew*, Baronissa Powisæ, Thomas Baro *Vventworth*, Thomas Baro *VWharton*, Iohannes Dominus *Russel*, Thomas *Bromley* Cancellarius Angliæ, *Douglas Howard* filia & hæres Vicecomitis *Bindon* uxor *Arthuri Gorge*, Elizabetha filia & hæres Edwardi Comitissæ Rutlandia uxor Guilielmi Cecilii, Ioannes *Puckering* custos magni sigilli Angliæ, Francisca *Howard* Comitissa Hertfordia, Henricus & Georgius *Cary* pater & filius, Barones de *Hunsdon* Regina Elizabethæ Camerarii. Corculum Annæ Sophiæ filiolæ Christophori Harlai, Comitissæ Bellomonti Galliarum Regis in Anglia Legati, urnula aurea supra pyramidem reconditum, Carolus Comes Devonix Prorox Hibernia. Quique minime tacendus Poëtarum Anglorum princeps *Galfredus Chaucer*, & qui ad illum ingenii felicitate, & divite Poësis vena proxime inter Anglicos Poëtas accessit Edm. *Spenser*. Aliique Ecclesiastici ordinis & melioris notæ quamplurimi.

In proximo alterum etiam duodecim Canonicorum Collegium erat S. Stephano sacrum, quod regia sane magnificentia, & amplissimis possessionibus ita restauravit, ut construxisse videatur Edwardus Tertius, cum Galliam suis victoriis permenfus esset, *reducens*, ut in foundationis

R r r

char-